



2015

1672

Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 01-05-3581-65/19 KM
Sarajevo, 10.07.2019. god.

SKUPŠTINA KANTONA SARAJEVO
SARAJEVO

PREDMET: Odgovor na „Zastupničko pitanje“

U prilogu dopisa dostavljamo Vam odgovor na pokrenutu zastupničku inicijativu na 5. Radnoj sjednici Skupštine Kantona Sarajevo održanoj dana 27.02.2019. godine, a od strane zastupnika Senada Hasanovića.

Pitanje:

„Pod kojim uslovima pružanja i naplate usluge je izdata privremena dozvola za obavljanje javnog gradskog prijevoza u Općini Stari Grad i to firmi Centrotmas, te da li je navedena firma obavezna omogućiti građanima kupovinu mjesečnih pretplatnik karata pod istim uslovima kao i prethodni prijevoznik - KJKP GRAS ?

OBRAZLOŽENJE:

U Općini Stari Grad, izdavanjem privremene dozvole o obavljanju javnog gradskog prijevoza riješen je veliki problem građana. Pitanje se odnosi na vrstu mjesečnih karata koje Centrotrans prodaje građanima, a prije svega na mjesečne karte za nezaposlene građane. Navedenu vrstu karte Centrotrans je izdavao u početku svog poslovanja, da bi iznenada prestao prodavati ovu vrstu mjesečnih karata. Obzirom daje prethodni prijevoznik KJKP GRAS u svojoj ponudi imao ovu vrstu mjesečnih karata, postavlja se pitanje da li je, s obzirom da obavljaju istu uslugu gradskog prijevoza, firma Centrotrans dužna građanima omogućiti da kupe ovakvu vrstu karte.“

Odgovor :

Ministarstvo je u skladu sa članom 12. Pravilnika o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo („Službene novine Kantona Sarajevo“, broj: 28/09) pripremlilo i objavilo Javni konkurs za izbor prijevoznika na 22 linije javnog linijskog prijevoza putnika na području Kantona Sarajevo među kojima su i linije sa područja Općine Stari Grad.

Javnim konkursom je, u posebni uslovi za prijevoznika, traženo da prijevoznik prilikom prijave na konkurs dostavi popunjenu i ovjerenu kod nadležnog organa (**organ uprave ili notar**) **izjavu** da preuzima i primjenjuje jedinstveni tarifni sistem utvrđen od strane nadležnog



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



kantonalnog organa, što je prijevoznik Centrotrans-Eurolinesa d.d. Sarajevo i dostavio u svojoj prijavi za Javni konkurs.

Članom 41. stav 1. Pravilnika o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo, propisano je da Ministarstvo posebnim Uputstvom propisuje način utvrđivanja i definiranja elemenata tarifnog sistema na području Kantona, tj. da će se posebnim pravnim aktom a u formi Uredbe propisati način utvrđivanja i definiranja elemenata tarifnog sistema na području Kantona. Ministar saobraćaja Kantona Sarajevo donio je „Privremeno uputstvo o načinu utvrđivanja i definisanja tarifnog sistema u Kantonu Sarajevo.

Privremenim uputstvom je uređen tarifni sistem, područje njegove primjene, vrste karata, naplata, kategorije korisnika i uslovi korišćenja usluge prijevoza i prodaja voznih isprava u javnom linijskom prijevozu na području Kantona Sarajevo, tj. predviđeno je da se kuponi KJKP GRAS d.o.o. Sarajevo i Centrotrans-Eurolinesa d.d. Sarajevo izdaju i koriste pod istim uslovima. Prijevoznici KJKP GRAS d.o.o. Sarajevo i Centrotrans-Eurolinesa d.d. Sarajevo su u obavezi da postupaju u skladu sa svim zakonskim i podzakonskim aktima koji uređuju oblast javnog linijskog prijevoza putnika na području Kantona Sarajevo, na linijama koje su registrovane od strane Ministarstva saobraćaja Kantona Sarajeva.

S poštovanjem,

Dostaviti:

- Skupština Kantona Sarajevo
- evidencija
- arhiva



MINISTAR

Adnan Šteta



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

